



RESOLUCIÓN DO SR. PRESIDENTE DA FUNDACIÓN PÚBLICA DE SERVIZOS DEPORTIVOS
MUNICIPAIS DO EXCMO. CONCELLO DE VILAGARCÍA DE AROUSA
D. ARGIMIRO SERÉN MERA

Vistos os acordos que a continuación se relacionan:

- Acordo do Consello Reitor con data 09/10/2019, relativo á aprobación das concesións de subvención conforme ás bases da Convocatoria de subvencións destinadas ao FOMENTO DO DEPORTE FEDERADO, EXERCICIO 2019, CORRESPONDENTE Á TEMPADA 2017/18 OU, ANO 2018, aprobadas polo Consello Reitor en sesión con data 17/01/2019 e publicadas no B.O.P. o día 28/02/2019 e, no que se aproba o valor do punto, resultando a cantidade de 34,77 €/punto.
- Acordo da Xunta de Goberno Local, en sesión con data 18/11/2019, relativo aos recursos de alzada presentados polos Clubes/Entidades Deportivas: Club Arosa, S.C. e Club San Martín contra o acordo do Consello Reitor en sesión con data 09/10/2019 e, no que se aproba: “Que polo Consello Reitor, se así o decide, tendo en conta que este ano se puxo en funcionamento a tramitación electrónica dos expedientes, se proceda a revisar todos os expedientes de subvención desta convocatoria denegados e se conceda un novo prazo para subsanación de deficiencias. Así mesmo que se proceda, se así se considera, á realización dun expediente de modificación de crédito a efectos de contar co crédito necesario para o aboamento das subvencións.”
- Acordo do Consello Reitor en sesión con data 20/11/2019, relativo á aprobación dada a dificultade técnica ao ser o primeiro ano da tramitación electrónica e excepcionalmente, un novo prazo improrrogable de **DEZ DÍAS hábiles**, para que acheguen a documentación necesaria ou corrixa os defectos observados conforme informe da secretaría e intervención delegada, facéndolles saber que, no caso de incumprimento, a súa solicitude archivarase sen máis trámite e, facultar ao Sr. presidente para a aprobación das concesións de todos aqueles Clubes/Entidades Deportivas que presenten correctamente a súa documentación.

E unha vez presentados os Clubes/Entidades Deportivas que a continuación se relacionan, toda a documentación requerida correctamente:

- . CLUB AROSA, S.C.
- . CLUB DEPORTIVO PEREZ SUB
- . CLUB SAN MARTIN
- . CLUB ATLÉTICO AROUSANA
- . ASOCIACIÓN DEPORTIVA E CULTURAL RASPA
- . CLUB XIMNASIA RITMICA VILAGARCIA
- . CLUB DEPORTIVO VILAGARCÍA TENIS DE MESA

Así como visto o informe da intervención e secretaría delegada dos expedientes de concesión dos puntos otorgados segundo a baremación das devanditas bases.

De conformidade co disposto nos vixentes Estatutos da Fundación de Deportes.

R E S O L V O:

1.- Aprobar as solicitudes de subvencións que a continuación se indican, polo valor do punto aprobado polo Consello Reitor en sesión con data 09/10/2019 por importe de 34,77 €/punto, que multiplicada polos puntos outorgados a cada unha das solicitudes, conforme á baremación feita pola administrativa/xestora, as subvencións outorgadas a cada unha das solicitudes é a seguinte, con cargo á partida 341-483,00:

<u>CLUB/ENTIDADE DEPORTIVA</u>	<u>PUNTOS</u>	<u>IMPORTE</u>
CLUB AROSA, S.C.	207	7.197,39 €
CLUB DEPORTIVO PÉREZ-SUB	12	417,24 €
CLUB SAN MARTIN	149	5.180,73 €
CLUB ATLÉTICO AROUSANA	60	2.086,20 €
ASOCIACIÓN DEPORTIVA E CULTURAL RASPA	23	799,71 €
CLUB DEPORTIVO XIMNASIA RITMICA	12	417,24 €
CLUB DEPORTIVO VILAGARCÍA TENIS DE MESA	58	2.016,66 €
Total concesións		18.115,17 €

2.- Aprobar á realización dun expediente de modificación de crédito a efectos de contar co crédito necesario para o aboamento das subvencións.



3.- De conformidade ao acordo do Consello Reitor en sesión con data 20/11/2019, unha vez aprobada e notificada a Resolución das concesións de subvención, apróbase por motivos de urxencia (ao estar a finalizar o exercicio contable do ano 2019), como prazo de xustificación da presentación **da Conta Xustificativa (con toda a documentación necesaria a efectos de xustificación da subvención)**, un prazo improrrogable de **CINCO DÍAS HÁBILES**, contados a partir do día seguinte da recepción da presente.

A Conta Xustificativa e anexos formalizaranse nos modelos normalizados que se facilitarán na Páxina Web <http://www.vilagarcia.es> (Taboleiro) ou Sede Electrónica, no enderezo <https://sede.vilagarcia.gal>, sección da Fundación de Deportes (Modelos ou catálogo de procedementos da Fundación de Deportes).

O importe dos gastos xustificados deberá alcanzar, polo menos, o importe da subvención. No caso de que a entidade reciba subvencións doutras administracións públicas para o mesmo proxecto ou actividade subvencionada, deberá presentar unha certificación asinada polos responsables do club onde se faga constar a relación de facturas que foron presentadas nas citadas administracións a efectos de xustificación, que non deberán coincidir cos xustificantes de gastos presentados na Fundación de Deportes (anexo IV). O Club tamén poderá optar por aportar xustificantes de gastos polo importe total das subvencións públicas recibidas.

A subvención concedida non poderá ser tal que sumadas todas as subvencións públicas, exceda do balance de gastos presentado.

10.3.- A documentación necesaria para xustificar a subvención, referida á tempada 2017/18 (dende o 1 de agosto de 2017 ao 31 de xullo do 2018) e, si a actividade deportiva se desenvolve no ano natural, corresponderá ao ano 2018, será a seguinte:

a) Facturas de gastos realizados nas actividades obxecto da subvención, conforme ao sinalado no apartado 6.3 e, nas que figurarán necesariamente os seguintes requisitos:

a:1 Nome, razón social e NIF ou CIF de quen emite a factura, correctamente fechada e numerada.

a:2 Nome e CIF do/a beneficiario/a da subvención.

a:3 Detalle e data dos servizos prestados, contía dos mesmos con expresión do IVE, se non estiveran exentos.

a:4 Xustificación do pago. As operacións con importes superiores a 2.500,00 € non poderán ser pagadas en efectivo, de acordo co previsto na Lei 7/2012 de 20 de outubro de

2012, polo que deberá acreditarse o seu pago mediante xustificante bancario co selo da Entidade bancaria. No resto dos casos o pago acreditarase por calquera dos seguinte medios: certificados do proveedor, factura simplificada ou de caixa, indicación na factura do pago asinado pola persoa responsable co seu nome e apelidos e/ou DNI ou, por transferencia bancaria co selo bancario.

b) Aceptaranse como xustificantes de gasto, certificacións oficiais federativas, da Mutualidade Deportiva, de Colexios de Árbitros ou Pólizas de Seguro de Responsabilidade Civil da Entidade. Así como recibos de colaboradores, adestradores ou axudantes que deberán cumprir os seguintes requisitos: nº de recibo, lugar e data, datos do interesado e do club ou entidade deportiva (nome, domicilio, NIF ou CIF), descripción do concepto de gasto, precio total e IVE repercutido ou IVE incluído cando o importe total do recibo non exceda de 400,00 €.

c) Tamén serán subvencionables os gastos financeiros, incluídos os intereses, gastos notariais e rexistrais directamente relacionados coa actividade subvencionada e que sexan indispensables para a realización da mesma. Quedan excluídos as amortizacións de préstamos.

d) Declaración do Club/Entidade Deportiva asinada polo Secretario co Vº e Prace do Presidente na que se exprese, baixo a súa responsabilidade ter cumprido o obxecto da subvención (anexo V).

e) Declaración actualizada do Club/Entidade Deportiva asinada polo/a Secretario/a co Vº e Prace do/a Presidente/a, na que se fagan constar todas as contías das axudas solicitadas, asignadas ou recibidas por outras Administracións Públicas, ben directamente ou ben a través das Federacións deportivas, así como doutros axentes para a mesma finalidade (anexo VI).

A Conta Xustificativa con toda a documentación requirida, de acordo co establecido nos parágrafos anteriores, presentaranse a través da Sede Electrónica, no enderezo <https://sede.vilagarcia.gal>, sección da Fundación de Deportes, catálogo de Procedementos, CONVOCATORIAS DE SUBVENCIONES, no REXISTRO ELECTRÓNICO. A presentación telemática producirá plenos efectos xurídicos sempre que a xustificación sexa enviada dentro do prazo establecido.

Para presentar a xustificación de xeito telemático será imprescindible, cando menos, que o presidente, persoa que deba asinar documentos, ademais da persoa designada como representante para o envío da solicitude ao rexistro telemático, dispoñan de sinatura



electrónica, así como deberá/n acreditar a súa representación por calquera medio admisible en dereito.

Nota informativa: No caso de que a sede electrónica non admita a documentación pode ser debido ao tamaño dos arquivos, neste caso dividan a documentación en varios PDFs e nomeen cada un deles en función da documentación que conteña, se aínda así persisten os problemas proben a realizar varios rexistros, ou poñase en contacto coa oficina da Fundación de Deportes e/ou Informática.

IMPORTANTE: Tendo en conta que a presentación telemática impide a presentación de orixinais ou copias compulsadas, a Fundación de Deportes, a través do persoal correspondente, poderá solicitar a presentación física das facturas orixinais e xustificantes de pago orixinais presentados, aos efectos do cotexo de datos.”

4.- Que a presente Resolución sexa dada conta ao Consello Reitor da Fundación de Deportes, na vindeira sesión que celebre.

Así o dispón e asina o Sr. presidente da Fundación de Deportes, en Vilagarcía de Arousa, a catro de decembro de dous mil dezanove, ante mín a secretaria/delegada, que Certifica.